



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1844**

LII. Graf Albrecht verpfändet an Wichmann Gloden einige Hebungen aus Wuthenow, im Jahre 1448.

[urn:nbn:de:hbz:466:1-54407](https://nbn-resolving.org/urn:nbn:de:hbz:466:1-54407)

bereyten, also dath Elizabeth, junge Claus Frieſe oder ſeynes Leibes Erbenn oder denn vorſtenderenn deſſer Vicarien, Selmiffen, Spenden oder andere geſtliche Rente anders weme wen uns unde unſen nachkomlichen dar nicht umb mhanen derſſen. Weret auch, dat junge Claus Frieſe vorſchrewen oder ſeynes Leibes Erbenn noth anſe, dar got vor ſy, dar hey oder ſeynes rechten leibes Erben, deſſe vorſchrewen ſechs ſchok jehrlicher Rhente umb vorſetten muſten oder vorkofen, weme ehr oder ſeynes leibes Erbenn die vorſettet oder vorkofet, deme ſchole wie oder unſe nachkomliche Burgemeiſtere und Rathmanne zu Newen Ruppin dieſulven brieffe holdenn oder andere brieffe dieſer gleich gebenn, zu aller maſſe alſe vorſchrewen ſeit. Doch ſo heft unſe her van Lindow einen wiederkof daran beholden, dieſer Rhenten, — haben des zu groſſer Orkunde und warhaftiger bekentnuſſe unſer ſtad groſſe Ingeſigel mit guter Wiſſchap und Vulborde laten hengen beneden an deſſen apen brieff, dy geſchrewen is nha godes gebort 1447, des Mandages nha Mauricii.

Aus Bratring's Sammlung. Dr. Kampe bemerkt bei dieſer Copie, daß Feldmann dieſe Urkunde aus einer Copie des 16. Jahrhunderts abgeſchrieben habe, Bratring, der wohl dieſelbe Copie benutzte, die alte Schreibart habe wiederherſtellen wollen und hieraus das Gemifch von älteren und neuern Ausdrücken entſtanden ſey.

## LII. Graf Albrecht verpfändet an Wichmann Gloden einige Heubungen aus Wuthenow, im Jahre 1448.

Wii Albrecht, van gades gnaden Greve van Lyndouw unde Here to Ruppin, Bekennen — dat wii vorkoft hebben und vorkopen in craft deſſes brefes deme vorſichtigen Junge Wichmann Gloden, Margareten, ſyner eliken huſfrouwen, unde oren rechten erven eynen halven wiſpel gerſten upp deme have unde huyen, belegen to Wuthenow, unde itzundt bedrift unde beſiht Wolter. Vor duſſen vorſchrewen wiſpel gerſten karns heft uns junge Wichmann gegeben unde vornugt elfen ſchok wanliker munte; jo twe pund vor eyn jewelich ſchok to rekende. So alze in deme lande to Ruppin genge unde geve iis. Deſſen vorſchrewen wiſpel karns ſchal Wichmann baren alle jare up ſunte Mertens dach, alle die wile dat deſſe kop ſteid, unde willen em unde ſynen rechten erven eyn recht gewere weſen; doch hebbe wii uns, unſen erven und nakamelingen des vorſchrewen wiſpel hards karns eynen wedderkop daranne beholden. Welkes jars wii, unſe erven ofte nakamelinge den dohn willen, dat ſchole wi Wichmann, Margareten edder eren rechten erven to ſeghen in den hilgen dagen to wynachten unde in die hilgen dagen to Paſchen dar negeft kamende, en ore elf ſchok an eyner ſummen weddergeben to Nyen Reppin, unde was en denne an der Rente achterſtellig iis, behulpen ſiin, dat em dat werde: unde wen die betalinge alſo is geſcheen; ſo ſchal deſſe breff leddich, loes und quid ſiin, unde fürder neyne macht hebben. Des to groter bekantniſſe vorſegelt mid unſem groteſten Ingeſeſele unde gegeben to Ruppin, am Sondage Quafimodogeniti, nach bord Chritti 1448.

Aus Bratring's handſchr. Urkunden-Sammlung.